

畿輔通志卷一百二十八

略八十三 經政三十五 城池一 順天 保定 承德 永平 河間 天津

順天府

大興縣 倚郭

宛平縣 倚郭

謹案順天府城池詳京師卷

良鄉縣

城周六里二分高三丈廣二丈門四 縣志 舊土城周三里二百

二十步高二丈二尺明景泰元年創築隆慶中知縣安守魯

登以磚加高一丈修東南北二門甕城萬厯間知縣高迪補

築西門甕城崇禎三年重修周圍卽今制 縣志 池深一丈五尺

闊二丈 雍正志 謹案縣志池引房山縣磁家務漫水河厯上岡下岡村又引怪蛇村龍泉水經苑村馬村顧村

委折東流入池繞至城東南角
復南流經魯村入桑乾河今淤

固安縣

城周五里一百二十步高一丈九尺廣一丈二尺門四舊土

城周三里二百六十九步高二丈三尺明正德十四年御史

盧雍知縣王宇創築

明顧清記略都城南百十里有邑曰固安本漢廣陽國之方城縣至隋易今名

歷唐宋金元常爲州邑入國朝又百五十年而城池之守未備承平恬熙上下循習若以爲當然者正德辛未盜起山東轉掠河朔邑嘗備戍民始知懼上亦以廷臣議詔增築郡縣之無城郭者而固安猶未有以應命也乃乙亥六月御史盧君接歷其地慨然念之召知縣王君宇圖所以爲興築計宇曰此令之責也於是爲之規其方位劑其土物籌其工費以條約上於盧君復言於朝得霸州及永清等縣各以其眾來助羣心歡趨一唱百和起是歲七月至明年四月而城成先辟其四門而爲樓於南北曰迎薰曰拱極東曰甯遠西曰豐樂城周方三里二百六十有九步高二十有三尺其上爲女牆牆外四隅鑿池圍城深廣各若干尺總役夫三千五十人食米二千三十有五石用木以根計者三千七百九十餘灰鐵泊石炭以斤計者十五萬七千三百六十二費公帑銀七萬有餘兩米則民間義助別無所擾民居當城表者遷之林

木之蔓翳者啟之而以其傍之隙地馬廠中爲通衢而以其地益遷者徒豫備倉於城中而給民以其故址如其數當遷者皆優於資給民忘勞焉於是邑之紳士均顧而言曰天下之事惟有備則無患故重關擊柝必資於豫不知者恒悠忽輒易生患患至而爲備則又苦於無及人情喜逸而惡勞而自私者幸其事之不在己此世之所以多禍亂也固安之爲縣閱年多矣而防畛之關略如此非不知與自私者之有以誤之歟懲其誤而爲之備舍我逸而親彼勞不私其一身而爲來者無窮之慮御史君之志大矣而以身任責不避嫌怨成一方保障於數月之間使此邦之民子子孫孫得安枕而臥者皆王君之功也而何可忘之乃相與具書京師請記其事刻之石以告來者御史名雍字師朗蘇郡人正德辛未進士王君字德周關西鄉貢士縣丞劉璿張經主簿王慶典史張綸等贊襄左右與有勞焉正德十五年六月 嘉靖

六年知縣李玦鑿池深一丈五尺闊三丈二十九年知縣蘇

繼改築磚城高廣如舊四十四年知縣何永慶以舊城卑隘

歲久傾圯加築高二丈九尺雍正志下關三丈三尺上關九尺

崇禎三年知縣秦士奇濬池深三丈闊四丈設橋築隄明曹夢麟

有九年知縣黃敏復修并建甕城明侯奉職記略公治邑之六年凌者蘇燬者葺生聚

鑿築上報可固安素無甕城且舊日城池自蘇王二公修濬後迄今將百年桑乾屢冲濠濶壞卑於欽式殊不當公懷奉嚴綸卽議興作旣報竣矣議者以公之功德宜壽之貞珉稽往例凡邑中徭役衿紳俱叨優豁公念焚之餘物力艱難舍士宦而獎獎是求則勞逸縣絕况大工煩重難平惟允可以服人乃集冠裳子衿輩暨耆商庶若而人謀日非常之舉黎民懼焉然佚道之使永世之利也矧惕乎明旨敢不竭蹶庀材鳩工是誠在我不能傲俸當捐篋以爲士民倡隨出三百金以辦器具又謂舉大事動大眾點金無術巧婦空嗟况明旨於捐輸一款尤殷人之好義誰不如我諸人唯唯一時歡欣鼓舞按畝以助物料按馬以助夫役而貴家大族復捐金錢以資匠人廩餼卽青檀倅尉無不慕義而思輸者公獨日趨工因材受事諏詢畢悉於是分城就工收一物則公之官支一錢則質諸帑至一切貿易傭估則准諸市肆之平曉然與人共見若不知有官司之法者會時尙寒有欲少緩其事者公謂此時不作無何而有布穀催農必妨民業以故志爲山功成不日舉事於正月之六日告竣於二月之念五日甫五旬間而若甕城若新濠若舊城之增高增廣以及吊橋女牆俱如式且是役也用輓以萬計者一百五十有奇匠八十有奇役夫以日計者數萬餘人此外尙有火藥萬人敵暨神器四十位計所費幾百金捐輸所不足者公多方設處以襄其事因并記之公諱奇遇廣東揭陽人戊辰進上時同事者南門則學博白貞吉鄉宦曹夢麟東門則縣倅詹啟昌

貢士周綿歷西門則縣尉金世襲貢士郭成名北門則學博
李郁不才奉職與焉各爲主輔佐以武舉儒士省祭人員馮
位等二十八人例得并書 附闕永傑黃侯城守記略崇禎
九年歲在困敦七月固邑經變人情風鶴危如壘卵公毅然
爲城守計綢繆拮据凡兩閱月已而邊警廓清城郭無恙當
事者已經題敘公且暮以內召行邑人士凡在保全者莫不
戴公覆蔭謂當一事以載縣史誌明德也語曰惟事事乃其
有備有備無患此之謂也先是春王正月公有事於鑿築捐
俸倡義克襄大功其詳已載蠡屬彼時金湯旣險卽日修
械練兵每出贖緩易纖鳩集鍛氏繕人輩製神器大小有額
嘗語人曰疆場多事吾不憚爲此蚤計者蓋未雨徹桑云爾
未幾七月而警報果至維時彼屋寥落士民晨星而山陝貿
遷者强半初間烽信多有攜資襁負而潛奔者公聞知卽歆
血誓神借孝廉侯秉乾首倡大義鳩諸士民而告之曰朝廷
設守令上以保邦土下以衛蒼生今之變不思嬰城拒敵而
欲爲望風之逃吾當執三尺以從事况若等讀書知大義卽
耕野藏市者久在撫循六載教養而不能邀一日向義則父
母之謂何諸感泣成思登陣公遂先出庫鏹庚粟若干九合
原練壯丁八百日給廩餼復綜城內外門下悉入行伍而城
頭素積播木槎牙亂石齒齒更以神鎗火藥三眼銃萬人敵
佛郎機大將軍暨刀棍弓矢以迄鉦人鼓人千夫長百夫長
凡暨備矣公昕夕戎服與眾同甘苦懸大錠示賞拒蹂逐隊
旣而凶鋒愈迫勢在震鄰公時刻巡督飲食臥榻俱在譙樓
復密率快壯往偵遇敵於陶家營距縣二十里許歸報公公

日事急矣當出奇以制之於林木茂密中立職埋礮爲疑兵
且詐書邊師禁止若大兵屯聚者敵知有備遂悻不敢近其
守塏丁壯原係鄉居有閭家遭擄掠哭天號地公恐倡亂簡
其作俑者一人置之乃俎密以死囚易之味爽梟示眾殷栗
從此靜聽約束無門謹聲公則時設牛酒爲犒病授以藥寒
給以裘又念城池之設原以保民今乃四鄉雜亂奚忍聽其
顛沛下令愿徙入城者周之不兩日而歸無數公見其踴躍
狀惻然動色捱戶搗栗以給之會李楊二文學捐借麥豆二
百餘石以佐其不足從此眾庶感激無不登城效死以一當
百而四圍遂鞏於磐石矣敵因見禁示不知公之神術以爲
大兵真係屯住遂拾老人而來思與之角灰塵蔽空一望無
際公從容與眾曰未來時我戒嚴百倍今旣臨敵無用張皇
所謂無事而作有事隄防有事而作無事鎮定也眾唯唯摩
厲以須俄而逼城公命擂鼓傳喊響振林木以示先聲隨以
礮擊斃數十披靡而遁是爲八月初六日也是日卽有援師
自涿鹿取道路河與敵相遇於隄外對陣城上助以大礮擊
傷甚眾復授官兵鎗彈數斗土下聲援大鏖狂鋒打死無數
拋棄雲梯數百難民乘敗而歸籍者可千萬計敵遂狼狽遠
去矣公又慮徂勝債事戒備視前加愷又謀於眾曰援旅雖
不爲我而來然行糧廩給帶有部劄能無黽勉以應隨又動
支帑金一如劄數更有一二劣將馭兵無紀頗至驛騷公竭
力調停越半月後敵陸續去而亦尋出塞矣迄今事平公之
功績俱載士紳商民之口業奉明綸查敘議者謂公之福德
獲此枚壽余則謂公之治才有不可喪沒者四先事修繕智

也臨事折衝勇也虛示之疑死囚之換得非紀信誑楚乎可
以觀神明不測之術焉給流離者以豆粥供城守者以饔飧
得非長孺發粟乎可以觀權宜濟眾之慈焉是役也總計費
千七百餘金不以銷算請上官不以加派苦百姓惟以薪俸
筭篋襄事比事竣而市肆晏然城社無恙向之先期引避者
多至帶傷痕拋子女失資物重繭而來咸愧汗浹背負荆肘
膝匍匐於庭公一笑而釋之余又服公之量誠納污藏垢包
荒無遺類矣余不佞補選客長安素見知於楊臧畹而邑中
故舊孝廉侯秉乾明經周爾恒郭東臯偕來過
問云係城守同辛勤者因詳述顛末援筆書之

本朝康熙十八年地震坍塌三十四年大雨河水冲毀

縣志乾隆

十五年奉

旨興修砌磚門四

日下舊聞考

四十九年知縣李光理請帑重築磚城周

九百五十九丈高一丈九尺寬一丈二尺下寬一丈六尺咸

豐間知縣吳燾陳崇砥各補修

縣志

永清縣

城周五里七步高二丈五尺廣三丈門四舊土城僅三里明

正德五年知縣郭名世拓之鑿池深三丈闊二丈隆慶二年

知縣王建改築磚城萬厯間知縣王嘉績楊夢熊相繼修正

崇禎七年知縣余世名增築據碑補明劉惟薰記略益

足恃名曰城實無異壘也我侯曰為高為深致富致強豈異人任不請帑不加賦不殫力以疲民不愆期以誤國吾自有便法若以永人衛永人以民情鼓民力屋漏可質鬼神効靈黎民應不懼非常也首捐資以為士民倡用募疏於四境或量力修堞或計土受工或掘地而填築或挈家以供役自正月始事三閱月而告成計堞一千四百有奇又令籌軍器積穀草備硝磺練鄉勇創弩臺不日皆具建弩臺共八座環以女牆通以機橋攻有備守有資或俯陣而矚或跨濠而擊有永邑以來未嘗有也

本朝順治十四年知縣丁棟康熙十五年知縣萬一肅修葺完

固雍正乾隆十三年知縣張士英重修縣志

東安縣

城周七里二百四十步高二丈七尺廣一丈五尺門四雍正

舊城在常道城東耿就橋行市南明洪武三年十一月主簿

華德芳移治於常伯鄉張李店卽今治也

日下舊聞考

天順中知

縣于璧成化間主簿何瑛節創濠塹宏治十一年知縣蔣昇

增築城址立東門正德六年知縣周義築垣浚濠增建西南

北三門嘉靖二十八年知縣成印重修城基濬池深八尺闊

一丈二尺二十九年磚包四隅建角樓築北門甕城池外增

掘圍城濠塹深廣加倍隆慶二年知縣劉祐焚以磚石天啟

五年知縣鄭之城補葺

明沈應時記略東安去都門百四十里蓋畿南首邑也閱舊志邑近渾河

數遭水患凡三徙而始得定居且踰年始創土城又踰年始

券城門至嘉靖庚戌都門遭警始議陶甃成城蓋如此之難

也今東安城又歷有年矣風雨浸淫外之陶甃漸腐內之土

日傾圯城削至不能措趾脫更悠悠泛泛不亟爲料理非惟
有警一無所恃卽至崩塌而更爲之其勞費概可知矣甲子
秋八月楚辰平溪鄭公來守是邦下車問民疾苦首閱城垣
見其礫硯單薄實疚於心顧以初至未遑受事半載百度具
興上下倚信於是計城圍之廣袤修築之工費又計邑之幅

員若干里里之居民若干村隨村大小出夫均役督理委之
幕屬分任責之省祭其先事而籌者益裕如矣翼啟仲春當
風和土融農有暇日乃白之當道諏吉興工檄村民繇近而
遠不久役不重役民皆驩然趨事閱四月成城二千四百餘
丈復按城甃之殘者補其闕腐者易以新形勢整雉堞固從
此可稱完城消窺伺而資防守屹然郊圻之屏翰矣鄭公名
之城繇鄉薦起家其
勲猷懿績不具論云 崇禎元年知縣歐陽保重修四門城樓
縣志後被渾河水患稍圯

本朝康熙十五年知縣李大章始修葺完固

雍正志

乾隆二年知

縣張拔勘估磚城九年勘估改築土城計長一千五百六十
四丈六尺十三年奉

旨修築

縣志

十四年興工十九年完竣

日下舊聞考

香河縣

城周七里二百步高二丈三尺門四舊土城高一丈六尺明
正德二年贅以磚石嘉靖四十二年知縣范經增高五尺修

四角樓隆慶二年知縣萬通增築敵臺萬厯二十年知縣陳增美又增高二尺三十二年河漲隄決城垣半頽知縣李垂銜修葺濬池深一丈五尺闊二丈五尺

雍正志

本朝乾隆二十二年重修

日下舊聞考

通州

城周十一里一百三十五步高三丈五尺廣二丈東西北門

各一南門二

州志

舊有二城

雍正志

舊城經元兵燹之後祇編籬

寨洪武元年閏月忠敏侯孫興祖督軍士修築甃以磚石周

九里十三步高四丈六尺在潞河之西因潞爲濠

名勝志

宣德

八年閏八月命都指揮劉斌奉勅董修城樓

明宣宗實錄

正統十

四年總督儲糧太監李德鎮守指揮陳信因西關置西南二

倉奏建新城護之新城周七里有奇高三丈二尺甃以磚東

接舊城西面爲門二正德六年巡撫李貢增修新城加高五

尺

明李東陽記略通州在國初爲北平布政司之屬郡舊有城定都以來並置州衛東南漕運歲入四百萬析十之三

儲於州城既久且富乃於城西門外闢地爲西南二倉景泰間以外警復築城七里有奇環而翼之爲新城時倉卒規制未備高止丈餘視舊城不及其半此年磚石剝落外內出入可登而越也正德辛未流氣爲患副都御史李貢巡撫其地深以爲憂引水而環之三周已乃詢諸有司圖所以禦災捍患者上疏言天下之治與其有事而圖孰若先事而慮今番上京軍數千名方留城守宜以其隙計工修築工部分司有廢磚數十萬宜借以供用上命戶部左侍郎邵君寶兵部左侍郎李君浩工部右侍郎夏君昂率僚屬往相其宜悉如所議君又留罪人所贖金爲凡百費用新城舊基增築五尺其外爲磚內實以土上復爲垛牆六尺有咫而長廣皆如其數又爲敵臺其西南爲甕城重門懸橋皆舊所未有其爲役皆分番迭作人樂趨事不數月而成焉於是知州楊濬州學正洪異等謂茲役之重不可以無述請於余記之

十二年知州張士奇修舊城二十一年密雲兵備道王見賓

修新城

明唐文獻記略萬曆辛卯濟南晴江王公見賓飭兵密雲行部相度要害謂通州乃肘腋上流咽喉重地

無若新城而城久崩隨議修疏聞制曰可公乃檄將吏捐朽剝盡役夫悉取諸營軍不以煩父老經費悉出諸帑金贖錢

及屯粟之餘不以括民庫商橐城高一丈厚尺有咫長一千三百四十丈有奇首城樓次角樓次窩鋪繚以周垣濬以溝塹工中程材中度延袤中地勢塹埴中準繩倍更而良老更而壯蓋自癸巳以迄乙未再浹歲而竣昔春秋書築城者二十九獨叔敖城圻君子以爲敏子囊城郢君子以爲忠維忠與敏公實兼之則通州今日之役是已公名見賓號晴江濟南人山甲戌進士至今官舊無池二十二年戶部郎中于仕廉周視兩城

墮并可爲池請引通惠河注之詔濬三千三百餘丈加深二尺廣視深四倍建闌一橋四三十七年知州陳隨修新舊二

城崇禎三年總兵楊國棟增修新城較前高厚

本朝康熙九年知州甯完福重修新舊二城

雍正志
參州志

乾隆二年

知州薛亦詩修垣濬池三十年總督方觀承奏請動帑重修

新舊城合而爲一其舊城拆去西面共爲五門各建重樓

日

下舊
間考

全行砌磚通永道王神保知州萬廷蘭承修三十五年

大雨坍塌知州龍舜琴請帑修葺咸豐三年奉

勅興修

州志

咸豐四年閏七月二十一日賈楨李鈞全慶何桂清會奏稱臣等督飭署通永道金肇洛率同地方官紳先行購

料僱夫於上年十月中旬開工修理時值天寒地凍工作較難而賊氛逼近天津又未便稍事停緩當飭該署道等設法搶辦暫資守衛並將城門二十四扇修整如式門環鐵葉一律更新迨至本年春融接續開工茲據署通永道金肇洛詳報城垣外坯坍塌段落及裏外傾圯缺口原勘及續塌共三十二段奏長三百四十三丈按段砌磚高三丈二尺底厚五尺牆垣厚二尺五寸裏面廂土層層打夯頂上另作溝眼出水與城一律整齊此外城腳空虛及裂縫處所尤為喫重者二十四段及各門甕城等工均一一修補如式共用礮臺整磚四萬七千二百四十四塊中西二倉廢廠碎磚合整磚三十六萬六千三百三十八塊所有腳價工料等項共用京錢四萬二千六百四十九千自奉文勒捐至完工截止先後收過京錢六萬三千八百九十八千除動用京錢四萬二千六百四十九千尚盈餘京錢二萬一千二百四十九千即以歸補挑築北寺莊隄引河墊款其不敷銀兩仍一面設法勸捐理合將辦理情形恭摺奏聞

附張家灣城周九百五丈有奇厚一丈一尺高二丈有奇內

外俱甃以磚門四各有樓又為便門一水關二明嘉靖四十

三年順天府尹劉畿請築府丞郭汝霖等監築

明徐階記略自都門東南

三十六里有地曰張家灣凡四方之貢賦與士大夫之造朝者舟至於此則市馬僦車陸行以達都下故其地水陸之會而百物之所聚也嘉靖癸亥冬有警詔發營兵戍之先聲播聞陳不敢犯然戍者無所據依晝夜披甲立勢實不可以久甲子春順天府尹劉君畿因以城請司空雷公禮上議曰城於戍便於守固報可敕順天府丞郭汝霖通判歐陽昱以二月二十二日始事財取諸官之贖及士民之助者木取諸營建之餘輒取諸內官厰之積石取諸道路橋梁之廢且圯者夫取諸通州之衛卒及商若民之饒於資者工既舉而材不時集階具以聞詔光祿寺出膳羞之餘金三萬兩貸之於是諸臣咸悅以奮而巡按御史董君堯封王君用楨程督加嚴越三月遂以成告周九百五丈有奇厚一丈一尺高視厚加一丈內外皆甃以磚東南濱潞河阻水爲險西北環以壕爲門四各冠以樓又爲便門一水關三而城之制悉備中建屋若干楹遇警則以儲運舟之粟且以爲避兵者之所舍設守備一員督軍五百守之而灣之人南北之縉紳中國四夷朝貢之使歲漕之將士下逮商賈販傭胥侍以無恐至於京師亦隱然有犄角之助矣階不敏敢因紀成以規焉萬厯四十年知州楊忠裕重修今多圯

州志

附 潮縣城周三里高二丈三尺門四明正德初知縣郭梅築

土城周二里高一丈二尺嘉靖二十二年通州州同奉委增

修恢拓之萬厯四年霸州兵備曹當勉知縣李于擢宋社相
繼修葺甃以磚石建南北二門東西開小門二各設層樓濬
池深一丈闊二丈五尺三十七年知縣艾友芝補葺崇禎八
年知縣涂應召增高五尺廣五尺

霸縣志

本朝順治十一年西南北三面水衝傾圯十六年縣裁守備徐

達略加補葺

州志

同治七年重築土城

州志

附永樂店城周六里高一丈有奇門四同治七年州判胡世

華勸築土城

州志

三河縣

城周四里高三丈闊二丈門四水門二舊城在縣東三里洶

河之南水衝廢

縣志

後唐明宗長興二年盧龍節度使趙德均

移建今地甃以磚石高二丈明嘉靖二十九年知縣張仁四

十二年知縣劉文彬各增高五尺隆慶三年知縣張綸增置

角樓敵臺規制完備

雍正志

本朝康熙間知縣任塾張鼐相繼補葺雍正五年

命贊善彭廷訓重修乾隆九年知縣陳基十七年知縣薛如春先後

領帑修葺二十年知縣陳景復修東西南三面

縣志

池深一丈

五尺闊三丈

雍正志

武清縣

城周八里二百六十步高二丈七尺下廣三丈東南西三門

雍正志

舊城在邱家莊南明洪武初因水患移建於縣西八里

卽今治

縣志

正德六年知縣陳希文始築土垣嘉靖二十二年

兵備副使楊大章以城內多曠地撤去東北二面重築土城

隆慶三年巡撫劉應節總督軍務譚綸知縣段雲鴻張鵬相